

**Talamdan sa
Mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 11

**Magkinabuhi diha sa Realidad sa Lawas ni Cristo
sa Pagkinabuhi diha sa Diosnon ug Misticong Ginsakpan sa Nahingpit nga Espiritu**

Basahong Kasulatan: Juan 1:14; 3:3, 5, 13; 7:39; 14:1, 10-11; 16:33; Heb. 4:12; Mat. 24:40-41

- I. Misticong basahon ang Ebanghelyo ni Juan, ug ang tibuok rekord sa Juan misticong rekord sa diosnon ug misticong kinabuhi, nga nagpadayag sa diosnon ug misticong ginsakpan—1:1, 14; 3:3, 5, 13; 14:1; 16:33:**
 - A. Diosnon ug misticong basahon ang Ebanghelyo ni Juan nga gisulat sa diosnon ug misticong tawo aron ipadayag ang panan-awon sa diosnon ug misticong ginsakpan sa Tulo-usang Dios ug sa nahingpit nga Espiritu.
 - B. Naa gyod untay tin-awng pagkakita kalabot sa pisikal nga ginsakpan ug sa diosnon ug misticong ginsakpan ang tanang balaan sa pahiuli sa Ginoo—Efe. 1:17-23.
 - C. Mosulod gyod ta sa ginsakpan nga habog pa kaayo kaysa pisikal nga ginsakpan; kining mas habog nga ginsakpan mao ang diosnon ug misticong ginsakpan.
- II. Diosnon ug misticong ginsakpan ang Tulo-usang Dios mismo; naanaa-sa-iyang-kaugalingon, naa-kanunay, dungan-nga-naanaa, ug nagpuy-anay sa usag usa ang tulo sa Diosnong Trinidad; ug kay ingon niana man, diosnon ug misticong ginsakpan ang Amahan, ang Anak, ug ang Espiritu—Juan 14:10-11; Mat. 28:19; 2 Cor. 13:14.**
- III. Magkinabuhi gyod ta diha sa diosnon ug misticong ginsakpan sa nahingpit nga Espiritu—Juan 7:39; Gal. 3:14; Rom. 8:9; 2 Cor. 3:17-18:**
 - A. Ang nahingpit nga Espiritu nga gihulagwayan sa sinagol nga igdihog mao ang diosnon ug misticong ginsakpan, ug kinahanglan makat-on ta nga magkinabuhi ning ginsakpana—Exo. 30:22-33; 1 Juan 2:20, 27.
 - B. Diha sa diosnon ug misticong ginsakpan sa nahingpit nga Espiritu, madawat nato ang Espiritu nga bugtong-talagsaon, malangkobon-sa-tanan nga panalangin—Gal. 3:14, 2, 5.
 - C. Diha sa diosnon ug misticong ginsakpan sa nahingpit nga Espiritu, madawat nato ang pagpalatay sa nikayab nga Cristo ug ang sangkap sa langitnong pagpangalagad Niya—Efe. 1:22; Heb. 8:1-2.
 - D. Diha sa diosnon ug misticong ginsakpan sa nahingpit nga Espiritu, masinati nato ang organicong kaluwasan sa Dios—Rom. 5:10.
 - E. Diha sa diosnon ug misticong ginsakpan sa nahingpit nga Espiritu, magkinabuhi ta sa diha-dayon ug walay-pagpangusog nga Cristohanong kinabuhi segun sa awtomatikong pagbuhat sa balaod sa kinabuhi—8:2.
 - F. Diha sa diosnon ug misticong ginsakpan sa nahingpit nga Espiritu, mahimo tang diosnon ug misticong mga tawo, nga nagkinabuhi diha sa pisikal nga ginsakpan ug sa samang panahon sa diosnon ug misticong ginsakpan—Juan 3:13; Heb. 4:16; 13:13.
 - G. Diha sa diosnon ug misticong ginsakpan sa nahingpit nga Espiritu, magkinabuhi ta sa kinabuhi sa pagkamatinud-anon nga nagpadayag sa gipadayag nga diosnong realidad—2 Juan 1; 3 Juan 3; Juan 4:23-24.
 - H. Diha sa diosnon ug misticong ginsakpan sa nahingpit nga Espiritu, magkinabuhi ta diha sa gingharian sa Dios nga ginsakpan sa diosnong kaliwat—3:3, 5.

- I. Diha sa diosnon ug misticong ginsakpan sa nahingpit nga Espiritu, magkinabuhi ta diha sa diosnong pakig-ambitay; kini ang realidad sa pagkinabuhi diha sa Lawas ni Cristo—1 Juan 1:3, 7; Buh. 2:42; Rom. 12:5.
 - J. Diha sa diosnon ug misticong ginsakpan sa nahingpit nga Espiritu, masagol ta sa Tulo-usang Dios aron maampingan ang pagkausa—Juan 17:21; Efe. 4:3-6:
 1. Naa sa Tulo-usang Dios ang tinuod nga pagkausa—Juan 17:21:
 - a. Ang pagkausa sa mga magtutuo sa pagkatinuod mao ang pagkausa sa Tulo-usang Dios.
 - b. Diha ra sa Tulo-usang Dios mahingpit ta aron mausa—v. 23.
 2. Ang tinuod nga pagkausa mao ang pagkasagol sa mga magtutuo sa Tulo-usang Dios—Efe. 3:14—4:6:
 - a. Aron mabatonan kining pagkausa, kinahanglan maanaa ta sa Tulo-usang Dios nga diosnon ug misticong ginsakpan.
 - b. Nausa ang mga magtutuo sa Tulo-usang Dios diha sa diosnon ug misticong ginsakpan sa nahingpit nga Espiritu—Gal. 3:14; Rom. 8:9; 2 Cor. 3:17-18.
- IV. Sa kasinatian nato sa pagkatinuod mahimo tang bahin sa diosnon ug misticong ginsakpan—Juan 14:2-3; 15:1, 4; Efe. 4:4-6:**
- A. Mahimo tang bahin sa diosnon ug misticong ginsakpan pinaagi sa pag-anak pag-usab, nga niini gipanganak ta nganha sa diosnon ug misticong ginsakpan—Juan 3:5-6.
 - B. Mahimo tang bahin sa diosnon ug misticong ginsakpan sa pag-ambit nato sa kinabuhi (v. 15; Col. 3:4), kinaiya (Efe. 1:4; 2 Ped. 1:4), hunahuna (Efe. 4:23; Fil. 2:5), pagkamao (2 Cor. 3:18b; Efe. 3:8), dagway (2 Cor. 3:18a; Rom. 8:29), himaya (v. 30; Heb. 2:10), pagkaanak (Efe. 1:5; Rom. 8:23), pagpadayag (v. 19), ug pagkasama sa Dios (1 Juan 3:2).
 - C. Mahimo tang bahin sa diosnon ug misticong ginsakpan sa pagkatukod nato diha sa Lawas ni Cristo, nga mahingpit sa Bag-ong Jerusalem—Efe. 4:16; Bug. 21:2, 10-11:
 1. Ang Lawas ni Cristo mao ang diosnon ug misticong ginsakpan, ug labi tang maanaa sa realidad sa Lawas ni Cristo, labi sab tang maanaa sa diosnon ug misticong ginsakpan—Rom. 12:4-5; 1 Cor. 12:12-13, 27; Efe. 1:22-23; 4:16.
 2. Mahingpit ang Lawas ni Cristo sa Bag-ong Jerusalem nga diosnon ug misticong ginsakpan sa bag-ong langit ug bag-ong yuta sa eternidad—Bug. 21:1-2, 10-11.
- V. Aron makakinabuhi diha sa ug mahimong bahin sa diosnon ug misticong ginsakpan sa nahingpit nga Espiritu, kinahanglan masinati nato ang pagbahin sa kalag gikan sa espiritu pinaagi sa pulong sa Dios, nga “buhi ug nagbuhat ug hait pa sa duhay-sulab nga espada”—Heb. 4:12.**
- VI. “Niadtong panahona duha ka lalaki ang naa sa umahan; kuhaon ang usa ug biyaan ang usa. Duha ka babaye ang maggaling sa galingan; kuhaon ang usa ug biyaan ang usa”—Mat. 24:40-41:**
- A. Ang duha ka lalaki ug duha ka babaye nagrepresentar sa buhing mga magtutuo sa panahon sa ikaduhang pag-anhi sa Ginoo.
 - B. Ang kuhaon kana mang lalinon sa dili pa ang dakong kasakitan—v. 21; Bug. 3:10:
 1. Naghisgot ang Mateo 24:40-41 sa sekretong paglalin, sa paglalin sa mga andam na, sa mga hamtong na—Bug. 14:4b.
 2. Ang kalainan sa gikuha ug sa gibiyaan naa sa pagkahamtong sa kinabuhi; nagkinabuhi ang usa diha sa diosnon ug misticong ginsakpan, ug wala magkinabuhi ang usa pa—Mat. 24:40-41.
 - C. Ang pulong sa Ginoo sa Mateo 24:40-41 nagpakita kanato nga samtang naghulat ta sa Iyang pag-anhi ug naglaom nga malalin, magmatinumanon gyod ta sa adlaw-adlawng mga kaakohan nato, magkinabuhi sa husto pagkabalanse nga tawhanong kinabuhi samtang nagkinabuhi ta diha sa diosnon ug misticong ginsakpan sa nahingpit nga Espiritu—itandi sa 2 Tes. 3:6-15.